



# HANDLINGSPROGRAM FOR FYLKESRÅDET FOR ELDRE I SOGN OG FJORDANE

# 1 FORORD

---

Fylkesrådet for eldre har utforma ein kort og oversiktleg arbeidsplan for perioden 2017 – 2019.

Dei områda vi meiner er viktigast å jobbe med denne perioden er nemnde i planen. Planen er ikkje meint å vere avgrensande, men at vi kan bruke tid på å fylgje opp òg andre saker som har betydning for dei eldre.

Rådet vil legge opp til å ha god kontakt og relasjon til dei kommunale råda i fylket.

Vi er opne for alle gode innspel og inviterer til 3 aktive år i dei eldre si teneste.



*Fylkesrådet for eldre – Kristoffer Skjolden, Anna Sofia Skaar, Aud Karin Netland, Henrik Oppen, Harald Ekroll, Anne-Kjersti S. Stenehjem (sekretær)*

## 2 ROLLE OG FUNKSJON

---

Fylkesrådet for eldre i Sogn og Fjordane er eit rådgjevande organ for fylkeskommunen i saker som vedkjem dei eldre. Fylkesrådet for eldre skal ha til handsaming alle saker som gjeld levekår for eldre. Rådet kan òg på eige initiativ ta tak i saker som eldrerådet meiner bør setjast på dagsorden. I møte i fylkesutvalet 4. november 2015 i sak 109/15: Val av medlemmer til nemnder o.a. vart fylgjande valt for perioden 2015 – 2019:

Medlem: Henrik Oppen (Ap)  
Varamedlem: Gunn Åmdal Mongstad (Sp)

Medlem: Anna Sofia Skaar (Pensjonistforbundet)  
Varamedlem: Kolbjørn Kastet (Pensjonistforbundet)

Medlem: Harald Ekroll (Postpensjonistane)  
Varamedlem: Arne Rognaldsen (Postpensjonistane)

Medlem: Kristoffer Skjolden (Pensjonistutvalet i Fagforbundet)  
Varamedlem: Astrid Martinsen (Pensjonistutvalet i Fagforbundet)

Medlem: Aud Karin Netland (Utdanningsforbundet)  
Varamedlem: Per-Atle Holmøyvik (Utdanningsforbundet)

Fylkesrådet for eldre konstituerte seg sjølve i møte 2. februar 2016:

Harald Ekroll - leiar  
Anna Sofia Skaar - nestleiar

Fylkeskommunale og kommunale eldreråd er lovpålagt gjennom *Lov om eldreråd i fylkeskommunar og kommunar av 8. november 1991*. Lova vart sist endra 15. juni 2007. Meir detaljar om lova finn de her: <https://lovdata.no/dokument/NL/lov/1991-11-08-76>

### 3 DEI ELDRE SOM RESSURS

---

Eldre har unik erfaring og kompetanse etter eit langt liv. Denne kunnskapen er det viktig å overføre til den yngre generasjonen gjennom deltaking i barnehagar, skular, frivillig arbeid m.m.

Fleire eldre vil ha god kapasitet og kunne ta på seg oppgåver som dei sjølv meiner dei er kompetente til, innan frivillig arbeid, som besteforeldre og som ressurs i mange sosiale samanhengar.

Fylkesrådet for eldre vil at det vert lagt til rette for at dei eldre kan delta/hjelpe til på dei områda dei har kompetanse og erfaring innan.

### 4 FYLKESRÅDET FOR ELDRE VIL ARBEIDE FOR:

---

- ∞ Å få møte-, tale og forslagsrett i kommunale/fylkeskommunale vedtaksorgan
- ∞ God kommunikasjon med politisk leiding, administrasjonen og råda
- ∞ At fylkeskommunen følgjer opp ansvaret sitt og oppgåver etter lov om folkehelse
- ∞ Gjennom representasjon i brukarutval, deltaking i referansegrupper og ved uttalar til høyringar bidra til at alle sektorar innan helsetenesta fungerer og vert utvikla for å dekke dei eldre sitt behov
- ∞ At det må vere eit mål å sørge for tilgjengeleg og sikker transport, slik som serviceskyssen og tilrettelagt transport. I utkantane må det kunne bli akseptert at det ikkje er eit mål å vere kostnadseffektiv
- ∞ Å motivere til og ha fokus på trening og kursing av dei eldste sjåførane
- ∞ Gjennom planarbeidet legge vekt på dei eldre sine ynskjer og behov, og det må vere eit gjennomgåande krav at universell utforming vert ivareteken i bygge- og reguleringssaker
- ∞ Å ha eit allsidig kulturtilbod tilgjengeleg i heile fylket
- ∞ Livslang læring og m.a. stimulere til at flest mogleg eldre knekk IKT-koden
- ∞ Følgje opp saker frå dei kommunale eldreråda

### 5 AKTIVITETAR OG REPRESENTASJON

---

Fylkesrådet for eldre vil avvikle ca. 4 ordinære møter i året. Sakspapir og møteprotokoller vert lagt ut på heimesida til Sogn og Fjordane fylkeskommune: <http://www.sfj.no/politiske-moete-og-saker.344489.nn.html>

Fylkesrådet for eldre vil delta på kurs og konferansar som er relevante for rådet sitt arbeid. Dette omfattar den årlege landskonferansen for eldreråd og årleg møte Vestlandsrådet for eldreråda (Sogn og Fjordane, Hordaland og Rogaland).

## 6 LIKESTILLING

---

Fylkesrådet for eldre vil til ei kvar tid ha rettferd, kjønnsfordeling og FN sine prinsipp for eldre sine rettigheter for auget. Vi vil motarbeide all form for aldersdiskriminering.

Vi vil at eldre skal ha moglegheit for å leve i verdigheit og tryggleik, utan å bli utnytta eller utsett for fysiske eller mentale overgrep, verte handsama rettferdig uavhengig av alder, kjønn, rase eller etnisk bakgrunn, nedsett funksjonsevne, og verte verdsett uavhengig av deira sin økonomiske situasjon.

Fylkesrådet for eldre vil at velferdsteknologi vert teke i bruk på ein måte som tek i vare brukarane sin integritet, og at kostnader vert plassert på riktig stad.

## 7 KONTAKT

---

Eldrerådet sin leiar

**Harald Ekroll**

Telefon: 481 55 590

E-postadresse: [harald.ekroll@enivest.net](mailto:harald.ekroll@enivest.net)

Eldrerådet sin nestleiar

**Anna Sofia Skaar**

Telefon: 909 61 962

E-postadresse: [annasofi@frisurf.no](mailto:annasofi@frisurf.no)

Sekretariat

**Anne-Kjersti Stavø Stenehjem**

Telefon: 957 25 658

E-postadresse: [Anne-Kjersti.Stenehjem@sfj.no](mailto:Anne-Kjersti.Stenehjem@sfj.no)